

Međunarodna konferencija „Politički i vojni značaj odbrane Sarajeva 1992–1995. godine“

**Dom Oružanih snaga BiH
29. 02–01. 03. 2012.**

POZDRAVNI GOVOR

Prof. dr. Faruk Čaklovića, rektor Univerziteta u Sarajevu

Uvaženi akademici,
kolegice i kolege,
dame i gospodo,

imam posebnu čast da vas pozdravim u ime akademske zajednice Univerziteta u Sarajevu, u trenutku kada ovom naučnom međunarodnom konferencijom „Politički i vojni značaj odbrane Sarajeva 1992–1995. godine“ obilježavamo **Dan nezavisnosti Bosne i Hercegovine**.

Poštovane kolegice i kolege,

kada glumci u pozorišnoj predstavi dobiju ulogu sa tragičnim ishodom, oni su poslije predstave u jednom ekscitantnom raspoloženju sa ponižavajućim emocijama.

U Bosni i Hercegovini u periodu ratne 1992–1995. godine nije bila gluma. Počinjen je zločin i genocid nad Bošnjacima, koji su esencijalna determinanta državotvornosti Bosne i Hercegovine. Pored pravne „intervencije“ Haškog tribunala za počinjena zlodjela, nije bilo pokajanja od političke elite, kreatora i počinioca zločina i genocida.

U vrijeme poslije Dejtonskog mirovnog sporazuma Bosna i Hercegovina je i dalje teatar zločina brutalnosti. Isti agresor frustrira istu žrtvu istrajavajući na njenom uništenju. Pokajanja nema, a stid ne postoji. Apsolutno je evidentan arhaični sindrom „dominiranja“ nad žrtvom.

Zbog svih žrtava i zločina genocida počinjenog nad Bošnjacima u periodu agresije na Bosnu i Hercegovinu, kao i nastavka brutalnosti od istih, neprocesuiranih zločinaca, mi smo kao narod, kao nacija trajno ožalošćeni i beskrajno povrijeđeni. Zato se i na ovom mjestu pitamo, kada je poznata dijagnoza, ima li lijeka? Ima, i lijek postoji. To je odlučna akcija međunarodne zajednice da se konačno uvede državnopravni poredak u zemlji. Kako o ovome, nažalost, ne postoji politički konsenzus, drugi lijek je održavanje ovakvih i sličnih naučnih konferencija, da istražuju, govore o ovoj temi i egzaktno dokazuju nepravdu koja se sistematično vodi protiv naroda i države.

Jedino u ovo vrijeme, podijeljenih moralnih vrijednosti, ovakvim naučnim konferencijama možemo djelovati snažnije, obrazujući kredibilniji i masovniji humanistički front, koji će ukinuti genocidnu tvorevinu Republiku Srpsku i sve počiniocima zločina izvesti pred Sud pravde.

Ovo ima smisla, jer je u pitanju čast i dostojanstvo jednog naroda. Ovo ima smisla, jer je u pitanju opstanak države Bosne i Hercegovine i njenog naroda.

Hvala na pažnji!